

金屬玫瑰

Astell&Kern × JH Audio Rosie



◆◆ 白色情人節將至，相信又會有唔少男性希望一擲千金，以鮮花贈女神，當中除咗係愛嘅表現，亦可放閃呢like，表面上似係一射雙雕，可惜上月新聞報道上就有圖指出，於節日過後，一束束用嚟「宣示主權」嘅鮮花，最後下場竟同「劉肛華」相伴相隨！

◆◆ 呢個報道明顯說明，即使千金散盡，都未必保證大團圓結局！之不過，大家唔想以後喺大時大節被罰扭耳仔，甚至比一眾兵士有機可乘，送花依然係必須，但記者會建議送贈實際少少嘅玫瑰：

Astell&Kern × JH Audio Rosie入耳式耳機。最少產品用上近來最潮嘅玫瑰金屬色外觀，即使唔係日日戴住聽歌，用來show off一下，畀世人知道自己走在潮流尖端，都感覺良好咗！

Spec.

單元：2×高音、2×中音、2×低音
頻率響應：10Hz-23kHz
靈敏度：117dB
阻抗：17Ω
售價：\$7,540
查詢：ECT (3188 0767)

hi-end入門 低頻自決

究竟值唔值得用\$7,540買Rosie磨佳人?當然係見仁見智!不過重點係,當中係Astell&Kern × JH Audio眾多hi-end crossover耳機中最「入門」嘅一款,用嚟送畀另一半只係基本一步,最重要係之後可以「趁機借用」,乘機親近對方,條數點計都抵。只係首先,對方一定要成功成為自己嘅伴侶,觀音兵不在此列!

雖然當中話係用上鋁製玫瑰金屬外殼,但由於配以碳纖維面板嘅關係,所以整體觀感都幾tough吓,男仔用唔會勁camp。至於用家最關心嘅音效方面,基於當中用上兩高、兩中音及兩低,合共6枚動鐵單元,加上調音方面用上品牌專屬freqphase技術,所以聽落會係3頻平均,傾向監聽耳機嘅風格,如果聽開搖滾、metal類嘅用家,更可於耳機線上校大低音,輕輕用跟機小螺絲批向右扭就可以,設定簡單快捷。🔩



◀玫瑰金色澤其實係傾向copper色,感覺較為中性。



▲耳機線沿用有保險掣鎖定嘅設計,想換線升級嘅朋友務必留意。



▲跟機另有2.5mm輸出耳機線,方便接駁AK240或AK380一類hi-end DAP使用。



◀用上跟機小螺絲批向右扭,即可調校低音強度。



速聽篇

〈他一定很愛你〉 @ DSD
整體高音保持清晰、細緻,聽感舒服。

〈Hotel California〉@ FLAC
intro編曲突顯耳機分析力出眾,3頻輸出平均,唔會話有某頻段特別搶聲。

升級三子

如果覺得Rosie太入門,不合女神身分,品牌另有3款升級版二代型號,應該畀大家有更好選擇。(好似係)



Astell&Kern × JH Audio Angie II
配備4高、兩中、兩低,共8動鐵單元,加上啞紅色外殼,低調中見浮誇。(售價:\$10,800)



Astell&Kern × JH Audio Roxanne II
暗藍色外看似低調,但就配備4高4中4低,共12枚動鐵單元,連Madonna、Maroon 5都係上代用家!(售價:\$15,680)



Astell&Kern × JH Audio Layla II
同Roxanne II配備相同數量之動鐵單元,加上過兩萬售價,裡裡外外一樣咁辣!(售價:\$22,980)



5月生得
包到正產檢

掃小王子玩具



3胎都係仔
 陳豪陳茵媺

改名3次再出道

Selina離婚 傳小三介入

唔使獻亨錢



韓梓亮

劉公子同囚赤柱



唔識呢個人

勒索同志歌手出獄

叫我陪佢瞓



張承中

jessie.zhuo

卓芷瑋

新年快樂 2-9-14

我下週會回台北 2-9-15

見面? 2-9-15

F奶嫩模 約會對話流出



陳滢掃平貨

逃掂四太